

京師坊巷志

京師坊巷志卷七

義烏朱一新
江陰繆荃孫同撰

吳興劉承幹重訂

外城亦曰羅城明嘉靖三十一年築周二十八里有奇

門九

一統志
明世宗實錄

其街衢之大者南北曰正陽門街永

定門街崇文門街宣武門街東便門街西便門街東西

曰南大街

自廣渠門直達廣寧門五十餘里隨地異名具詳於後

南橫街打磨廠

西河沿花兒市街

會典事例參
宸垣識略

外城中城

城冊外城地隄隸中城者中東坊第一鋪東至長巷

上二條衢南至鮮魚口小橋西至正陽門街北至
城根二鋪東至東河沿蕭公堂深溝口南至三里河
橋珠市口街鐵山寺與南城界西至長巷下頭條衢
衢後營北至鮮魚口梯子衢南三鋪東至小蔣家衢
衢鈔手衢南至珠市口街與南城界西至正陽門
街北至豆腐巷十閒樓北蘆草園中西坊第一鋪東
至正陽門大街南至珠寶市北至城根西至西河沿
關帝廟觀音寺楊梅竹斜街與北城界二鋪東至正
陽門大街南至珠市口大街與南城界西至觀音寺
前與北城界北至珠寶市三鋪東至永定門大街南

至永定門口西至石頭衢衢與北城界北至清風巷
火神廟西與北城界

正陽門外大街

俗稱前門大街跨護城河有橋輦以文石中爲馳道
南有坊顏曰正陽橋迤南直達永定門街其北傍月
牆者東曰荷包巷西曰帽巷

高承埏鴻一亭筆記正陽門前搭蓋棚房居之爲
肆其來久矣崇禎七年成國公朱純臣家鐙夕被
火於是司城毀民居之侵占官街棚房壅塞衢路
者金侍御光宸上言窮民僦居無資藉片席以棲

身假貿易以餬口其業甚薄其情可哀皇城原因
火變恐延燒以傷民今所司奉行之過概行拆卸
是未罹焚烈之慘而先受離析之苦也且棚房半
設中途非盡接棟連楹若以火延棚房卽毀棚房
則火延內室亦將並毀內室乎疏入有旨停止

吳偉業讀史偶述詩布棚攤子滿前門舊物官窯
無一存王府近來新發出剔紅香盒豆青盆 香
祖筆記鐙市初在靈佑宮稍列書攤自移於正陽
門大街之南則無書矣 燕石集四方進士來試
南宮者率僦居麗正門外 明一統志南城兵馬

司在城外正陽街

東河沿井一

步軍統領所屬南營守備署在南有奉新浮梁句容諸會館迤東隸南城踰河爲正陽門外東城根有朝陽閣明建乾隆閒重修置粥廠於此東有橋玉河水出水關後徑橋下入護城河詳水道

坊巷衢衛集正東坊自正陽門東河沿至崇文門外西河沿入牌四十鋪有蕭公堂崇眞觀天慶寺慈源寺清化寺有西三里河東三里河蘆葦園

案三里河蘆葦園見後蕭公堂以下諸寺觀俱詳

南城

戲子市

迤東歧爲東河沿打磨廠二衙衙打磨廠詳南城

肉市

北小衙衙井一

宸垣識略查樓在肉市明巨室查氏所建戲樓巷口有小木坊書查樓字乾隆庚子燬於火今重建

藤陰雜記京師戲館惟太平園四宜園最久其次則查家樓月明樓比年如方壺齋蓬萊軒昇平軒最著語見亞谷叢書此康熙末年酒園也查樓

木榜尙存餘皆改名大約在前門左右

鮮魚口

有帽市迤東曰小橋有南康會館北小衚衕井一

迤西抵大街有魚市

布巷

井一

有布市

鈔手衚衕

或作手
帕衕衕

有吉安二忠祠爲吉安會館

藤陰雜記二忠祠在鮮魚口吉水人祀文信國李

忠肅邦華忠肅甲申殉節於吉安會館卽此舊閭

考稱在城內文信國祠未確柴市一祠未聞作吉安會館此祠又名懷忠會館丞相祠堂邊華泉聯句花外子規燕市月柳邊精衛浙江潮趙甌北翼有謁祠詩今兩遭回祿門榜徒存 案祠今已重修忠肅殉節當在內城舊聞考之言不誤邵長蘅作忠肅傳言十八日賊破外城公移宿吉安會館文信公祠下詰朝內城陷亟奔大內門閉不得入歸館投繯而絕考甲申小紀十八日薄暮賊蟻傅正陽崇文二門十九黎明守城璫開正陽門迎賊是時寇騎充斥忠肅如寓外城安能奔至大內況

懷忠會館在信國祠旁夢餘錄載其地甚明信國
祠在柴市不聞在外城也郡邑會館例祀鄉賢二
忠祠蓋景慕遺徽而作不必定爲殉節之區戴說
固矣

南北孝順衎衎

北衎衎井一有長沙會館

羅節衎衎

長巷上下頭條衎衎

下衎衎井一有涇縣南昌汀州江右豐城諸會館
舊有武林會館今廢

上下二條衚衕

有臨江浦城武陵諸會館舊有廣豐會館今廢

梯子衕衕

上下三條衕衕

有長吳金谿臨江南城諸會館舊有元寧涇縣會

館今廢

扁擔衕衕

翅膀衕衕

上下四條衕衕

有岳陽上新新城樂平休寧金谿南昌諸會館舊

有貴池德興南雄諸會館今廢

高廟

關帝廟俗稱高廟廟有嘉靖閒鼎一蓋建自明代
也有常德會館舊有蕪湖會館今廢

鸞慶衎衎

鸞或作鑾

有襄陽粵西會館

高井衎衎

井一

舊有武寧義寧進賢武河諸會館今多廢

大小始興衎衎

始或訛爲施

深溝口

巷西隸中城東隸南城舊有江山會館今廢

花園

紅佛寺

堂子大院

翔鳳衲衲

或作牆縫

舊有瀘谿會館今廢

大小崇真觀

崇真觀明璫張政故宅也今其地以觀名迤東爲

興隆街詳南城

慶雲庵

北蘆草園

井一

中城吏目署在北有火神廟

元帝廟

東蘆草園

靠山衚衕

北橋灣

井一

巷東隸南城有安國寺舊有南泉寺今圯互詳南城

中蘆草園

蘆草園坊巷衕集之蘆葦園也蓋前代積草之

地故其北草廐諸衚衕皆以是名 宸垣識略吳

越王錢鏐祠在蘆草園雍正二年敕封誠應吳越

武肅王其裔孫世章勦建 明桂萼文襄集正陽

門外東偏有古三里河一道東有南泉寺西有玉

泉庵今天壇北蘆葦圍草場九條巷其地下者俱

河身也高者卽舊碼頭 案南泉寺見南城三里

河玉泉庵互詳後又元世祖於文明門外東五里

立葦場歲收葦百萬以葺城至文宗有警用諫者

言因廢此葦止供內廚之需歲役市民修補事見

析津志蓋元築都城以土不以甃也文明門今之

崇文門志言場在門東五里其遺趾固未必在此
然可知南城之有葦場其來久矣明時亦於臺基
廠收蘆葦神木廠收蘆席見明水軒日記

南蘆草園

有武寧京江會館

南趺子衲衻

大小西竺庵

驢尾衲衻

大小席兒衲衻

大衲衻井一有玉泉庵有石埭德化廬陵會館

冰窖衙衙

有乾泰寺康熙三十九年重修有唐縣漳州浙甌
建寧平鎮諸會館

前營

後營

十閒樓

花鍼衙衙

炕洞衙衙

豆腐巷

大蔣家衙衙

井一